



Broj/ Број : 02/2-50-1-9-25/04
Sarajevo/ Сарајево : 29. 11. 2004.

Z A P I S N I K

sa 25. sjednice Komisije za vanjsku i trgovinsku politiku Doma naroda Parlamentarne skupštine BiH održane 23. 11. 2004. godine

Dvadesetpetu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvaio je predsjedavajući Komisije Hasan Čengić.

Sjednici su prisustvovali sljedeći članovi Komisije: Hasan Čengić, Anto Spajić, Vinko Radovanović, Nade Radović i Velimir Jukić, kao i Nevenka Savić, sekretar Komisije. Osman Brka bio je opravdano odsutan.

Osim navedenih, sjednici su, u svojstvu predstavnika predlagača, prisustvovali: g. Teodor Lunić, savjetnik predsjedavajućeg Predsjedništva BiH i g-đa Zahida Hurtić-Strika, rukovodilac Odjela za pravne i opće poslove u Ministarstvu komunikacija i prometa.

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio sljedeći:

DNEVNI RED

1. Usvajanje Zapisnika sa 24. sjednice Komisije;
2. Saglasnost za ratifikaciju Sporazuma o razvojnom kreditu (Kredit za prilagođavanje ekonomskog upravljanja – EMSAC), između Bosne i Hercegovine i Međunarodne asocijacije za razvoj – IDA – predlagač Predsjedništvo BiH;
3. Saglasnost za ratifikaciju Sporazuma o razvojnom kreditu (Drugi projekat podrške zapošljavanju) između BiH i Međunarodne asocijacije za razvoj (SESP) – predlagač Predsjedništvo BiH;
4. Saglasnost za ratifikaciju Sporazuma o razvojnom kreditu između BiH i Međunarodne asocijacije za razvoj (IDA) – Drugi kredit za prilagođavanje socijalnog sektora (SOSAC II) – predlagač Predsjedništvo BiH;
5. Saglasnost za ratifikaciju Sporazuma između Vijeća ministara Bosne i Hercegovine i Vlade Republike Bjelorusije o cestovnom prijevozu putnika i tereta – predlagač Predsjedništvo BiH;

6. Saglasnost za ratifikaciju Sporazuma o saradnji u oblasti turizma između Vijeća ministara Bosne i Hercegovine i Vijeća ministara Republike Albanije – predlagač Predsjedništvo BiH;
7. Saglasnost za ratifikaciju Ugovora između Vijeća ministara Bosne i Hercegovine i Vlade Republike Hrvatske o veterinarskoj saradnji – predlagač Predsjedništvo BiH;
8. Saglasnost za ratifikaciju Konvencije na zaštiti i održivoj upotrebi rijeke Dunav (Konvencija o zaštiti rijeke Dunav) – predlagač Predsjedništvo BiH;
9. Izvještaj Delegacije Parlamentarne skupštine BiH sa sastanka predsjedavajućih i članova vanjskopolitičkih odbora zemalja regiona i zemalja članica EU, koji je održan na Cetinju 13. i 14. septembra 2004. godine;
10. Tekuća pitanja.

Dnevni red je jednoglasno usvojen.

Ad. 1. Usvajanje Zapisnika sa 24. sjednice Komisije

Zapisnik sa 24. sjednice Komisije je jednoglasno usvojen.

Ad. 2. Saglasnost za ratifikaciju Sporazuma o razvojnom kreditu (Kredit za prilagođavanje ekonomskog upravljanja – EMSAC), između Bosne i Hercegovine i Međunarodne asocijacije za razvoj – IDA - predlagač Predsjedništvo BiH

U svojstvu predstavnika predlagača o Sporazumu je govorio g. Lunić. On je objasnio namjenu kredita: strukturalno prilagođavanje sektora ekonomskog upravljanja. O kreditu je detaljnije, zatim, govorio g. Čengić, i to: o visini kredita, uslovima dobivanja i praćenju realizacije. Nakon toga, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 3. Saglasnost za ratifikaciju Sporazuma o razvojnom kreditu (Drugi projekat podrške zapošljavanju) između BiH i Međunarodne asocijacije za razvoj (SESP) - predlagač Predsjedništvo BiH

Detaljno je o Sporazumu govorio g. Čengić istakavši namjenu kredita – pružanje usluga za programe tržišta rada i izgradnju institucionalnih kapaciteta. Projekat bi trebao osigurati usluge vezane za zapošljavanje oko deset hiljada pojedinaca. Predviđeno je potpisivanje supsidijarnih sporazuma sa entitetima i strogo praćenje realizacije sporazuma.

Nakon toga, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 4. Saglasnost za ratifikaciju Sporazuma o razvojnom kreditu između BiH i Međunarodne asocijacije za razvoj (IDA) – Drugi kredit za prilagođavanje socijalnog sektora (SOSAC II) – predlagač Predsjedništvo BiH

Kredit za prilagođavanje socijalnog sektora u iznosu od 34,7 SPV predviđa potpisivanje supsidijarnih sporazuma sa entitetima, pri čemu se zajmoprimac – država BiH i oba entiteta obavezuju da usvoje zajedničku penzionu politiku i legislativu o socijalnoj zaštiti, Memorandum o razumjevanju za priznavanje obaveza za isplatu penzija u slučaju da se mjesto na kojem je ostvaren staž osiguranja razlikuje od mjesta boravišta tog lica ili mjesta na kojem mu je izdato rješenje o penziji, kao i niz drugih mjera i aktivnosti.

Nakon ovih pojašnjenja predsjedavajućeg Komisije, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 5. Saglasnost za ratifikaciju Sporazuma između Vijeća ministara Bosne i Hercegovine i Vlade Republike Bjelorusije o cestovnom prijevozu putnika i tereta – predlagač Predsjedništvo BiH

G-đa Hurtić-Strika je u svojstvu predstavnika predlagača govorila o ovom Sporazumu. Ona je rekla da je ovo tipski sporazum koji Bosna i Hercegovina bilateralno sklapa sa zemljama sa kojima postoji interes za saradnju u ovoj oblasti.

Nakon toga, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 6. Saglasnost za ratifikaciju Sporazuma o saradnji u oblasti turizma između Vijeća ministara Bosne i Hercegovine i Vijeća ministara Republike Albanije – predlagač Predsjedništvo BiH

O Sporazumu je govorio predsjedavajući g. Čengić, ukazavši na to da je on rezultat želje da se unaprijedi saradnja dvije zemlje i u ovom području. Sporazum predviđa uspostavu jednostavnijih putnih formalnosti i pograničnih kontrola, razmjenu iskustava i statističkih podataka u turizmu, obuku osoblja i druge oblike saradnje.

Nakon toga, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 7. Saglasnost za ratifikaciju Ugovora između Vijeća ministara Bosne i Hercegovine i Vlade Republike Hrvatske o veterinarskoj saradnji – predlagač Predsjedništvo BiH

G. Čengić je pojasnio odredbe ovog Ugovora, prije svega njegov osnovni cilj – da se olakša promet životinja i proizvoda životinjskog porijekla, razvije saradnja u oblasti veterinarstva, kao i da se onemogućiti prenošenje zaraznih bolesti životinja. Ugovor, takođe, propisuje proceduru koja se primjenjuje u slučaju pojave zaraznih bolesti, oblike naučne saradnje, razmjenu informacija, itd.

Nakon toga, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 8. Saglasnost za ratifikaciju Konvencije na zaštiti i održivoj upotrebi rijeke Dunav (Konvencija o zaštiti rijeke Dunav) – predlagač Predsjedništvo BiH

Predsjedavajući g. Čengić objasnio je značaj Konvencije za sve “Podunavske zemlje”. Konvencija predviđa formiranje Međunarodne komisije i u Prilogu daje njen Statut kojim su definirani sastav i način rada Komisije.

Nakon toga, članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 9. Izvještaj Delegacije Parlamentarne skupštine BiH sa sastanka predsjedavajućih i članova vanjskopolitičkih odbora zemalja regiona i zemalja članica EU, koji je održan na Cetinju 13. i 14. septembra 2004. godine

Članovi Komisije primili su Izvještaj k znanju.

Ad. 10. Izvještaj Delegacije Parlamentarne skupštine BiH sa sastanka predsjedavajućih i članova vanjskopolitičkih odbora zemalja regiona i zemalja članica EU, koji je održan na Cetinju 13. i 14. septembra 2004. godine

Članovima Komisije su distribuirani materijali Izvještaj sa sastanka Komisije za vanjske poslove Predstavničkog doma PS BiH i Odbora za vanjske poslove Donjeg doma britanskog Parlamenta i Izvještaj o posjeti Delegacije Komisije za vanjske poslove Predstavničkog doma Kraljevini Nizozemskoj.

Predsjedavajući Komisije

Hasan Čengić